



DISSE R T A T I O Q U A R T A:

Quâ disquiritur, quænam ratio Potentatus prohibuerit nuptias seminarum provinciarum cum Præfectis militum, autore Papiniano in L. 63. ff. de Ritu Nuptiarum.

Uanquam more Civitatis Romanæ quælibet nuptiæ favorabiles judicabantur, quæ liberorum quærendorum animo votoque pio contrahebantur; nihil minus pravum, absurdum, atque alienum à rationibus publicæ quietis duxit Quiritium Legislator, permittere talia matrimonia quæ turbare statum Civitatis, & salutem ac securitatem Imperii pessum dare videbantur posse. Hujus exactissimæ cautionis curæque insigne specimen exhibet Papinianus Libro primo Definitionum; quando docet Feminas provinciales malâ ratione conjungi Præfectis militum, qui stipendia meruerint in provinciis Imperio Romano subjectis. Locus est perelegans in l. 63. ff. De Ritu Nuptiarum. ubi tradidit Non, esse matrimonium, quando Præfector cohortis vel Equitum, aut Tribunus, contra Interdictum ejus provinciae duxit uxorem, in qua officium gerebat. Redditque hanc juris constituti rationem: CUM RATIO POTENTATUS NUPTIAS PROHIBUERIT. Subjiciens haec tandem verba sub finem Legis. PECUNIAM TAMEN IN DOTEM DATAM, MULIERIS HEREDI RESTITUI NECESSE EST. Quænam vera sit ratio